

# **ALBSIG INVEST sha**

**Shoqëri Administruese  
e Fondeve të Pensionit Privat dhe Sipërmarrjeve të Investimeve Kolektive**

**Pasqyrat financiare  
më dhe për vitin e mbyllur më 31 dhjetor 2025**

**me raportin e Audituesit të Pavarur**

## **Faqe**

### **Raporti i audituesëve të pavarur**

**i-iii**

### **Pasqyrat financiare:**

Pasqyra e pozicionit financiar

1

Pasqyra e fitim humbjeve dhe të ardhurave të tjera gjithëpërfshirëse

2

Pasqyra e flukseve monetare

3

Pasqyra e ndryshimeve në kapital

4

Shënime për pasqyrat financiare

5 – 23



RSM ALBANIA  
Rr.Skender Luarasi, sheshi  
Gjenerali  
Jozef San Martin, Pallati 3Hyrja 19,  
Tiranë, Shqipëri  
T: +355 69 706 6110  
[www.rsm.global/albania](http://www.rsm.global/albania)

## RAPORTI I AUDITUESIT TË PAVARUR

Për Aksionarin e ALBSIG INVEST Sh.a. Shoqëri Administruese e Fondeve të Pensionit Privat dhe Sipërmarrjeve të Investimeve Kolektive

### Opinion

Ne kemi audituar pasqyrat financiare të ALBSIG INVEST Sh.a. Shoqëri Administruese e Fondeve të Pensionit Privat dhe Sipërmarrjeve të Investimeve Kolektive ("Shoqëria"), që përfshijnë pasqyrën e pozicionit financiar më datë 31 dhjetor 2025, si dhe pasqyrën e fitimit ose humbjes dhe të ardhurave të tjera gjithëpërfshirëse, si dhe pasqyrën e ndryshimeve në kapital dhe të fluksit të mjeteve monetare për vitin e mbyllur në atë datë, si dhe shënimet për pasqyrat financiare, përfshirë një përmbledhje të politikave kontabël materiale.

Sipas opinionit tonë, pasqyrat financiare bashkëlidhur paraqesin drejt, në të gjitha aspektet materiale, pozicionin financiar të Shoqërisë më 31 dhjetor 2025, dhe performancën financiare dhe fluksin e mjeteve monetare për vitin që mbyllet në këtë datë, në përputhje me Standardet Ndërkombëtare të Raportimit Financiar (SNRF).


### Baza për opinionin

Ne kemi kryer auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku jepen Përgjegjësitë e Audituesit për Auditimin e Pasqyrave Financiare. Ne jemi të pavarur nga Shoqëria në përputhje me Kodin Ndërkombëtar të Etikës për Profesionistët Kontabël të Bordit të Standardeve Ndërkombëtare të Etikës të Kontabilistëve Profesionistë (duke përfshirë Standardet Ndërkombëtare të Pavarësisë) (Kodi i BSNEKP-së) së bashku me kërkesat etike që janë të zbatueshme për auditimin e pasqyrave financiare në Shqipëri, dhe kemi përmbushur përgjegjësitë e tjera etike në përputhje me këto kërkesa dhe me Kodin BSNEKP.

Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.

### THE POWER OF BEING UNDERSTOOD ASSURANCE | TAX | CONSULTING

RSM Albania SH.P.K is part of the RSM network and trades as RSM. RSM is the trading name used by the members of the RSM network. Each member of the RSM network is an independent accounting and consulting firm, which practices in its own right. The RSM network is not itself a separate legal entity in any jurisdiction.



## Përgjegjësitë e Drejtimit dhe të Personave të Ngarkuar me Qeverisjen në lidhje me Pasqyrat Financiare

Drejtimi është përgjegjës për përgatitjen dhe paraqitjen e drejtë të pasqyrave financiare në përputhje me SNRF-të, dhe për ato kontrole të brendshme, që Drejtimi i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Në përgatitjen e pasqyrave financiare, drejtimi është përgjegjës për të vlerësuar aftësinë e Shoqërisë për të vazhduar në vijimësi, duke dhënë informacion, nëse është e zbatueshme, për çështjet që kanë të bëjnë me vijimësinë dhe duke përdorur parimin kontabël të vijimësisë përveç se në rastin kur drejtimi synon ta likujdojë Shoqërinë ose të ndërpresë aktivitetet, ose nëse nuk ka alternativë tjetër reale përveç sa më sipër.

Ata që janë të ngarkuar me qeverisjen janë përgjegjës për mbikëqyrjen e procesit të raportimit financiar të Shoqërisë.

## Përgjegjësitë e Audituesit për Auditimin e Pasqyrave Financiare

Objektivat tona janë të marrim siguri të arsyeshme nëse pasqyrat financiare në tërësi nuk kanë anomali materiale, për shkak të mashtrimit apo gabimit, dhe të lëshojmë një raport auditimi që përfshin opinionin tonë. Siguria e arsyeshme është një siguri e nivelit të lartë, por nuk është një garanci që një auditim i kryer në përputhje me SNA-të do të identifikojë gjithmonë një anomali materiale kur ajo ekziston.

Anomalitë mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme të influencojnë vendimet ekonomike të përdoruesve, të marra bazuar në këto pasqyra financiare.

Si pjesë e një auditimi në përputhje me SNA-të, ne ushtrojmë gjykimin profesional dhe mbajmë skepticizëm profesional gjatë auditimit. Ne gjithashtu:

- Identifikojmë dhe vlerësojmë rrezikun e anomalive materiale të pasqyrave financiare, qoftë për shkak të mashtrimit apo gabimit, projektojmë dhe kryejmë procedurat e auditimit që i përgjigjen këtyre rreziqeve, dhe marrim evidencat auditimi të mjaftueshme dhe të përshtatshme për të bazuar opinionin tonë. Rreziku i mos zbulimit të një anomalie materiale që rezulton nga mashtrimi është më i lartë sesa një që rezulton nga gabimi, pasi mashtrimi mund të përfshijë marrëveshje të fshehtë, falsifikim, mosdhënie e vetëdijshme e të gjithë informacionit, keq-përfaqësime, apo shkelje të kontrollit të brendshëm.
- Marrim një kuptim të kontrollit të brendshëm të lidhur me auditimin me qëllim hartimin e procedurave të auditimit të cilat janë të përshtatshme për rrethanat, por jo për qëllimin e shprehjes së një opinionimi mbi efektivitetin e kontrollit të brendshëm të Shoqërisë.
- Vlerësojmë përshtatshmërinë e politikave kontabël të përdorura dhe arsyeshmërinë e përlogaritjeve kontabël dhe informacioneve të lidhura shpjeguese të bëra nga drejtimi.
- Duke u bazuar në evidencat e auditimit, nxjerrim përfundime mbi përshtatshmërinë e përdorimit nga ana e drejtimit të parimit të vijimësisë si bazë kontabël, nëse ekziston një pasiguri materiale në lidhje me ngjarjet ose kushtet që mund të hedhin dyshime domethënëse në aftësinë e Shoqërisë për të vazhduar në vijimësi. Nëse arrijmë në përfundimin se një pasiguri materiale ekziston, ne jemi të detyruar të tërheqim vëmendjen në raportin tonë të auditimit tek informacionet shpjeguese të pasqyrave financiare ose nëse këto informacione shpjeguese janë të pamjaftueshme, të ndryshojmë opinionin tonë. Përfundimet tona të auditimit bazohen në evidencat e auditimit të marra deri në datën e raportit tonë të auditimit. Megjithatë, ngjarje ose kushte të ardhshme mund të shkaktojnë që Shoqëria të ndalojë së vazhduari në vijimësi.



- Vlerësojmë prezantimin e përgjithshëm, strukturën dhe përmbajtjen e pasqyrave financiare, duke përfshirë informacionet shpjeguese të dhëna, dhe nëse pasqyrat financiare paraqesin veprimet dhe ngjarjet e ndodhura në mënyrë që të arrijnë një prezantim të drejtë.

Ne komunikojmë me Drejtimin dhe personat e ngarkuar me qeverisjen e Shoqërisë, përveç të tjerave, lidhur me qëllimin dhe kohën e auditimit dhe gjetjet e rëndësishme të auditimit, përfshirë ndonjë mangësi të rëndësishme në kontrollin e brendshëm që ne mund të identifikojmë gjatë auditimit.

### Raport për Informacione të Tjera


Informacione të tjera përfshijnë informacione të përgatitura në përputhje me Ligjin Nr. 25/2018 "Për Kontabilitetin dhe Pasqyrat Financiare", përveç pasqyrave financiare dhe këtij raporti të audituesit. Drejtimi është përgjegjës për informacionet e tjera. Informacionet e tjera të Shoqërisë për vitin 2025 pritet të na vihen në dispozicion pas datës së këtij raporti të audituesit. Opinioni ynë mbi pasqyrat financiare nuk mbulon informacionet e tjera dhe ne nuk shprehim ndonjë lloj konkluzioni që jep siguri në lidhje me këto informacione. Në lidhje me auditimin tonë të pasqyrave financiare, ne kemi përgjegjësinë të lexojmë informacionet e tjera të identifikuar më lart kur ato të na vihen në dispozicion dhe të vlerësojmë nëse këto informacione kanë inkoherenca materiale me pasqyrat financiare apo me njohjen që ne kemi marrë gjatë auditimit ose përndryshe, nëse duket se ato janë me gabime materiale. Nëse bazuar në punën e kryer ne arrijmë në përfundimin se këto informacione përmbajnë gabime materiale, atëherë ne duhet të raportojmë për këtë fakt. Nëse arrijmë në përfundimin se ka një gabim material në të, ne jemi të detyruar t'ua komunikojmë çështjen atyre që janë të ngarkuar me qeverisjen.

Elona Bisha

Auditues Ligjor

RSM Albania

Tiranë, 31 mars 2026



**ALBSIG INVEST SHA****Shoqëri Administruese e Fondeve të Pensionit Privat dhe Sipërmarrjeve të Investimeve Kolektive**

Pasqyra e Pozicionit Financiar

(Shumat në Lek, përveç nëse shprehet ndryshe)

	Shënime	31 dhjetor 2025	31 dhjetor 2024
<b>Aktivët</b>			
Paraja dhe ekuivalentë të saj	6	6,832,598	2,841,525
Të arkëtueshme nga Fondet	7	2,635,287	1,771,685
Shpenzime të parapaguara	8	1,253,163	673,660
Aktive afatgjata jo materiale	9	734,688	562,846
Investime të mbajtura deri në maturim	10	30,000,000	30,000,000
<b>Totali i aktiveve</b>		<b>41,455,736</b>	<b>35,849,716</b>
<b>Detyrimet</b>			
Të pagueshme tregtare dhe të tjera	11	2,668,108	2,337,659
<b>Totali i detyrimeve</b>		<b>2,668,108</b>	<b>2,337,659</b>
<b>Kapitali</b>			
Kapitali i paguar	12	69,000,000	69,000,000
Humbje të mbartura		(35,487,943)	(35,976,504)
Humbje neto e periudhës		5,275,571	488,561
<b>Totali i kapitalit</b>		<b>38,787,628</b>	<b>33,512,057</b>
<b>Totali i detyrimeve dhe kapitalit</b>		<b>41,455,736</b>	<b>35,849,716</b>

Pasqyrat financiare u aprovuan nga Këshilli i Administrimit i Shoqërisë Administruese “Albsig Invest Sh.a”, më 31 mars 2026 dhe u firmosën nga:

**Z. Irfan LAMI**

Drejtor Finance

Albsig Sh.a

**Z. Elton KORBI**

Administrator i Përgjithshëm

Albsig Invest Sh.a

Shënimet shpjeguese në faqet 5-23 janë pjesë e pandarë e këtyre pasqyrave financiare.



**ALBSIG INVEST SHA****Shoqëri Administruese e Fondeve të Pensionit Privat dhe Sipërmarrjeve të Investimeve****Kolektive**

Pasqyra e fitim humbjes dhe të ardhurave të tjera gjithëpërfshirëse  
(Shumat në Lek, përveç nëse shprehet ndryshe)

	<b>Shënime</b>	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
Të ardhura nga tarifa e administrimit	13	28,453,021	20,232,952
Të ardhura të tjera	14	-	3,200,002
<b>Totali i të ardhurave</b>		<b>28,453,021</b>	<b>23,432,954</b>
<b>Shpenzimet</b>			
Shpenzime për personelin	15	19,281,272	19,505,185
Shpenzime amortizimi	9	314,948	637,079
Shpenzime administrative	16	5,110,772	4,230,021
Shpenzime financiare/(të ardhura), neto	17	(1,529,542)	(1,427,892)
<b>Totali i shpenzimeve</b>		<b>23,177,450</b>	<b>22,944,393</b>
<b>Humbja përpara tatimit</b>		<b>5,275,571</b>	<b>488,561</b>
Tatimi mbi fitimin	18	-	-
<b>Humbja e periudhës</b>		<b>5,275,571</b>	<b>488,561</b>
Të ardhura të tjera gjithëpërfshirëse		-	-
<b>Totali i humbjes gjithëpërfshirëse për vitin</b>		<b>5,275,571</b>	<b>488,561</b>

Shënimet shpjeguese në faqet 5-23 janë pjesë e pandarë e këtyre pasqyrave financiare.

**ALBSIG INVEST SHA****Shoqëri Administruese e Fondeve të Pensionit Privat dhe Sipërmarrjeve të Investimeve Kolektive**

Pasqyra e flukseve të parasë për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

	Shënime	Për vitin e mbyllur më 31 dhjetor 2025	Për vitin e mbyllur më 31 dhjetor 2024
<b>Fluksi i parasë nga aktiviteti operacional</b>			
<b>Fitimi/Humbja e periudhës</b>		<b>5,275,571</b>	<b>488,561</b>
<i>Rregullime për:</i>			
Shpenzime amortizimi	9	314,948	637,079
<b>Fluksi i parasë nga aktiviteti operacional përpara ndryshimeve në kapitalin qarkullues</b>		<b>5,590,519</b>	<b>1,125,640</b>
<i>Rregullime për kapitalin qarkullues:</i>			
(Rritje)/pakësim në të arkëtueshme nga fondet	7	(863,602)	2,580,297
(Rritje)/pakësim në shpenzime të parapaguara	8	(579,503)	166,200
Rritje/(pakësim) në të pagueshme dhe detyrime të tjera të tjera të pagueshme		330,449	(1,711,473)
<b>Fluksi i parasë neto nga aktiviteti operacional</b>		<b>4,477,863</b>	<b>2,160,664</b>
<b>Fluksi i parasë nga aktivitetet investuese</b>			
Blerja e aktiveve të qëndrueshme të patrupëzuara neto	9	(486,790)	(687,050)
Investimet	10	-	-
<b>Fluksi neto i parasë i përdorur nga aktivitetet investuese</b>		<b>(486,790)</b>	<b>(687,050)</b>
<b>Fluksi neto i parasë i përdorur nga aktivitetet financuese</b>		<b>-</b>	<b>-</b>
<b>Rritje neto në mjete monetare dhe ekuivalentë</b>		<b>3,991,073</b>	<b>1,473,614</b>
Paraja dhe ekuivalentë në fillim të vitit		2,841,525	1,367,911
<b>Mjete monetare dhe ekuivalentë në fund të vitit</b>	<b>6</b>	<b>6,832,598</b>	<b>2,841,525</b>

Shënimet shpjeguese në faqet 5-23 janë pjesë e pandarë e këtyre pasqyrave financiare.

**ALBSIG INVEST SHA****Shoqëri Administruese e Fondeve të Pensionit Privat dhe Sipërmarrjeve të Investimeve Kollective**

Pasqyra e ndryshimeve në kapital për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

	<b>Kapitali aksionar</b>	<b>Humbja e akumuluar</b>	<b>Totali</b>
<b>Gjendja më 31 dhjetor 2023</b>	<b>69,000,000</b>	<b>(35,976,504)</b>	<b>33,023,496</b>
Rritje kapitali	-	-	-
Fitimi i periudhës	-	488,561	<b>488,561</b>
<b>Gjendja më 31 dhjetor 2024</b>	<b>69,000,000</b>	<b>(35,487,943)</b>	<b>33,512,057</b>
Rritje kapitali	-	-	-
Fitimi i periudhës	-	5,275,571	<b>5,275,571</b>
<b>Gjendja më 31 dhjetor 2025</b>	<b>69,000,000</b>	<b>(30,212,372)</b>	<b>38,787,628</b>

Shënimet shpjeguese në faqet 5-23 janë pjesë e pandarë e këtyre pasqyrave financiare.

## **ALBSIG INVEST SHA**

### **Shoqëri Administruese e Fondeve të Pensionit Privat dhe Sipërmarrjeve të Investimeve Kolektive**

---

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

#### **1. Përshkrim i përgjithshëm**

Albsig Invest Sh.a., është Shoqëri Administruese e Fondeve të Pensionit Privat dhe Sipërmarrjeve të Investimeve Kolektive, (tani e tutje do i referohemi si “Shoqëria Administruese” ose si “Shoqëria”) e themeluar në tetor të vitit 2019, dhe e licencuar nga Autoriteti i Mbikëqyrjes Financiare (tani e tutje do i referohemi si “AMF”), me vendimin numër 210, datë 22 nëntor 2019.

Fondi i Investimit Albsig Standard (tani e tutje do i referohemi si “Fondi i Investimit”) u krijua në përputhje me kërkesat e Ligjit nr. 10198, datë 10 dhjetor 2009, zëvendësuar me Ligjin nr. 56/2020 datë 30 prill 2020 “Për Sipërmarrjet e Investimeve Kolektive” (tani e tutje do i referohemi si “Ligji”) dhe u licencua nga Autoriteti i Mbikëqyrjes Financiare (tani e tutje do i referohemi si “AMF”), me vendimin numër 210, datë 22 nëntor 2019. Fondi i Investimit Albsig Standard u krijua nëpërmjet kontributeve në kuota nga të gjithë anëtarët e tij, dhe zotërohet plotësisht nga ata kontribues mbajtës të kuotave. Fondi është një fond investimesh që investon në letra me vlerë të emetuara nga Qeveria Shqiptare.

Fondi i Pensionit Privat Albsig (tani e tutje do i referohemi si “Fondi i Pensionit Albsig”) u krijua në përputhje me kërkesat e Ligjit nr. 10197, datë 10 dhjetor 2009 “Për Pensionet Vullnetare”, zëvendësuar me Ligjin nr. 76/2023, “Për Fondet e Pensionet Privat” (tani e tutje do i referohemi si “Ligji”) dhe u licencua nga Autoriteti i Mbikëqyrjes Financiare (tani e tutje do i referohemi si “AMF”), me vendimin numër 210, datë 22 nëntor 2019. Fondi i Pensionit Privat Albsig u krijua nëpërmjet kontributeve në kuota nga të gjithë anëtarët e tij, dhe zotërohet plotësisht nga ata kontribues mbajtës të kuotave. Fondi investon në letra me vlerë të emetuara nga Qeveria Shqiptare.

Banka e Tiranës është banka depozitare e Fondit të Pensionit Privat Albsig e miratuar nga AMF. Banka depozitare bazuar në kërkesat e Ligjit, bën të mundur ruajtjen e aktiveve të Fondit të Investimit Albsig Standard dhe Fondit të Pensionit Privat Albsig, në përputhje me kërkesat e Shoqërisë Administruese.

Fondi i Pensionit Privat Smart Pension (tani e tutje do i referohemi si “Fondi i Pensionit Smart Pension”) u krijua në përputhje me kërkesat e Ligjit nr. 10197, datë 10 dhjetor 2009 “Për Pensionet Vullnetare”, zëvendësuar me Ligjin nr. 76/2023, “Për Fondet e Pensionet Privat” (tani e tutje do i referohemi si “Ligji”) dhe u licencua nga Autoriteti i Mbikëqyrjes Financiare (tani e tutje do i referohemi si “AMF”), me vendimin numër 96, datë 28 prill 2022. Fondi i Pensionit Privat Smart Pension u krijua nëpërmjet kontributeve në kuota nga të gjithë anëtarët e tij, dhe zotërohet plotësisht nga ata kontribues mbajtës të kuotave. Fondi investon në letra me vlerë të emetuara nga Qeveria Shqiptare.

Banka Kombëtare Tregtare është banka depozitare e Fondit të Pensionit Privat Smart Pension, e miratuar nga AMF. Banka depozitare bazuar në kërkesat e Ligjit, bën të mundur ruajtjen e aktiveve të Fondit të Pensionit Privat Smart Pension, në përputhje me kërkesat e Shoqërisë Administruese.

Adresa e regjistruar e Shoqërisë Administruese e Fondeve të Pensionit Privat dhe Sipërmarrjeve të Investimeve Kolektive është Bulevardi “Bajram Curri”, Albsig HQ, Kati 16, Tiranë, Shqipëri.

#### **2. Bazat e përgatitjes**

##### **a) Deklarata e përputhshmërisë**

Këto pasqyra financiare janë përgatitur në përputhje me Standardet Ndërkombëtare të Raportimit Financiar (“SNRF”) dhe interpretimet e përshtatura nga Bordi i Standardeve Ndërkombëtare të Kontabilitetit (BSNK). Ato u autorizuan për lëshim nga Këshilli i Administrimit të Shoqërisë më 31 mars 2026.

##### **b) Bazat e matjes**

Pasqyrat financiare janë përgatitur mbi bazën e kostos historike, me përjashtim të aktiveve financiare të mbajtura me vlerën e drejtë, të cilat maten në vlerën e drejtë ndërmjet fitimit dhe humbjes.

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

## **2. Bazat e përgatitjes (vazhdim)**

### **c) Monedha funksionale dhe ajo e prezantimit**

Pasqyrat financiare janë paraqitur në monedhën shqiptare “Lek” që është monedha funksionale dhe prezantuese e Shoqërisë dhe të gjitha vlerat janë të shprehura në Lek përveç se kur është shprehur ndryshe. Monedha funksionale është monedha e ambientit primar ekonomik në të cilin Shoqëria vepron. Investimet dhe veprimet e Shoqërisë kryhen në Lek. Për rrjedhojë, Këshilli i Administrimit ka përcaktuar Lekun si monedhën funksionale të Shoqërisë.

### **d) Parimi i vijimësisë**

Këto pasqyra financiare janë përgatitur mbi bazën e parimit të vijimësisë dhe nuk përfshijnë ndonjë rregullim të vlerës kontabël dhe klasifikimit të aktiveve, detyrimeve dhe shpenzimeve të raportuara që përndryshe mund të kërkohej nëse baza e parimit të vijimësisë nuk do të ishte e përshtatshme.

Drejtimi i Shoqërisë beson se ka aktive të mjaftueshme dhe se ka marrë të gjitha masat e nevojshme për të siguruar qëndrueshmëri dhe zhvillim të biznesit në kushtet aktuale.

### **e) Gjykimet kontabël dhe vlerësimet**

Përgatitja e pasqyrave financiare, kërkon që drejtimi të bëjë gjykime, vlerësime dhe supozime që ndikojnë në aplikimin e politikave kontabël dhe në vlerën e mbartur të aktiveve dhe detyrimeve, si edhe të ardhurave dhe shpenzimeve. Rezultatet aktuale mund të ndryshojnë nga ato të vlerësuara. Vlerësimet dhe supozimet e lidhura me to rishikohen në mënyrë të vazhdueshme. Rishikimet e vlerësimeve kontabël njihen në periudhën kur këto vlerësime rishikohen dhe gjithashtu në periudhat e ardhshme nëse ato ndikohen.

## **3. Politikat materiale kontabël**

### **a. Standarde të reja**

Disa standarde të cilat janë bërë efektive nga 1 janar 2025 dhe rrjedhimisht kanë hyrë në fuqi, nuk kanë ndikim të rëndësishëm në rezultatin apo pozicionin financiar të Shoqërisë.

Këto ndryshime nuk kanë një ndikim të rëndësishëm në këto Pasqyra Financiare dhe për këtë arsye shpalosjet nuk janë bërë.

*Standardet e reja të zbatueshme prej 1 janar 2025*

- Mungesa e shkëmbyeshmërisë (Ndryshimet në SNK 21)

*Standarde dhe interpretime të reja, ende të pa adoptuara*

- Mungesa e shkëmbyeshmërisë (Ndryshimet në SNK 21)
- Ndryshime në Klasifikimin dhe Matjen e Instrumenteve Financiare (Ndryshime në SNRF 9 dhe 7)
- SNRF 18 "Prezantimi dhe shpalosja në pasqyrat financiare"
- SNRF 19 ‘Filiale pa Përgjegjësi Publike: Dhënia e informacioneve shpjeguese

Këto ndryshime nuk pritet të kenë një ndikim të rëndësishëm në pasqyrat financiare në periudhën e aplikimit fillestar dhe për këtë arsye shpalosjet nuk janë bërë.

Shënime shpjeguese të pasqyrave financiare  
(Shumat në Lek, përveç nëse shprehet ndryshe)

### 3. Politikat materiale kontabël (vazhdim)

#### b. Transaksionet në monedhë të huaj

Transaksionet në monedhë të huaj konvertohen në Lek me kurset e këmbimit në datën e transaksioneve. Aktivët dhe detyrimet jo-monetare të mbajtura në monedhë të huaj në datën e raportimit nuk rivlerësohen në fund viti dhe maten me koston e tyre historike (konvertuar në monedhën funksionale me kursin e asaj date) përveç, aktiveve dhe detyrimeve jo-monetare të matura me vlerën e tregut të cilat konvertohen në monedhën funksionale me kursin e datës kur u përcaktua vlera e tyre e tregut. Fitimi apo humbja nga kurset e këmbimit, që rezultojnë nga kryerja e transaksioneve të tilla si dhe nga përkthimi i aktiveve dhe detyrimeve monetare të mbajtura në monedhë të huaj, njihet në fitim ose humbje, përveç instrumenteve financiare që mbahen me VDFH, të cilat njihen si një komponent i të ardhurës neto nga instrumentet financiare në VDFH. Kurset kryesore të konvertimit në Lek Shqiptar për një njësi të monedhës së huaj në datën e raportimit janë si më poshtë:

	31 dhjetor 2025	31 dhjetor 2024
EURO	96.77	98.15
USD	82.46	94.26

#### c. Aktivët financiarë dhe detyrimet financiarë

##### Njohja dhe matja fillestare

Shoqëria fillimisht njeh në mënyrë të rregullt, transaksionet me aktivët financiarë dhe detyrimet financiare në vlerën e drejtë nëpërmjet fitim humbjes (“VDFH”) në datën e tregtimit, e cila është data kur Shoqëria bëhet palë kontraktuale e instrumentit. Aktivët e tjera financiarë dhe detyrimet financiare njihen në datën në të cilën ato krijohen. Një aktiv financiar ose një detyrim financiar matet në fillim me vlerën e drejtë plus, koston e transaksionit në rastin e elementëve të përcaktuar jo me VDFH që i ngarkohen drejtpërdrejtë blerjes ose emetimit të tij.

##### Klasifikimi dhe matja e mëpasshme

###### *Klasifikimi i aktiveve financiare*

Në njohjen fillestare, aktivët financiarë klasifikohen si i matur me koston e amortizuar ose me VDFH. Një aktiv financiar matet me koston e amortizuar nëse përmbush njëkohësisht dy kushtet si më poshtë si edhe nuk është i destinuar si me VDFH:

- mbahet në një model biznesi i cili ka për qëllim të mbajë aktivët për të mbledhur flukset e parasë; dhe
- rrjedha e parasë, lind në data të përcaktuara, sipas kushteve kontraktuale, të cilat janë, vetëm pagesa kryesore dhe interesit (VPPI).

Të gjitha aktivët e tjera financiarë të Fondit maten me VDFH.

###### *Vlerësimi i modelit të biznesit*

Në gjykimin e tij mbi vlerësimin e objektivave të modelit të biznesit në të cilin mbahet një aktiv, Shoqëria merr parasysh të gjithë informacionin relevant mbi mënyrën se si biznesi po administrohet duke përfshirë:

- politikat dhe objektivat e përcaktuara të portofolit dhe zbatimi i tyre në praktikë. Në veçanti, nëse strategjia e drejtimit fokusohet në përfitimin e të ardhurave kontraktuale nga interesi, mbajtjen e një profili të veçantë të normës së interesit, përputhjen e kohëzgjatjes së aktiveve financiare me kohëzgjatjen e detyrimeve që financojnë këto aktive ose realizimin e flukseve monetare nëpërmjet shitjes së aktiveve;
- rreziqet që ndikojnë në performancën e modeleve të biznesit;
- frekuencën, volumin dhe kohën e shitjeve në periudhat e kaluara.

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

### **3. Politikat materiale kontabël (vazhdim)**

#### **c. Aktivet financiare dhe detyrimet financiare (vazhdim)**

Shoqëria ka përcaktuar dy modele biznesi.

*Modeli i biznesit mbajtje deri në mbledhje:* ky model përfshin paranë dhe ekuivalentet e saj dhe të arkëtueshmet. Këto aktive financiare mbahen në mënyrë që të mblidhen flukset kontraktuale të parasë.

*Model tjetër biznesi:* kjo përfshin letrat me vlerë të borxhit dhe investimet e kapitalit. Këto aktive financiare menaxhohen dhe performanca e tyre vlerësohet, mbi bazën e vlerës së drejtë, meqenëse shitje të shpeshta të tyre ndodhin në treg.

#### *Riklasifikimet*

Aktivitetet financiare nuk riklasifikohen pas njohjes së tyre fillestare, përveç nëse Shoqëria ndryshon modelin e tij të biznesit për menaxhimin e aktiveve financiare. Në këtë rast të gjithë aktivitetet financiare që ndikohen, do të riklasifikohen në datën e parë në periudhën e parë raportuese që vijon ndryshimin e modelit të biznesit.

#### *Matja e mëpasshme e aktiveve financiare*

##### *i. Aktivitetet financiare me VDFH*

Këto aktive financiare maten më pas me vlerën e drejtë. Fitimet ose humbjet neto, duke përfshirë të ardhura ose shpenzime nga interesi, ose kurset e këmbimit, njihen në fitim humbje, në të ardhura neto nga instrumentet financiare në VDFH, në pasqyrën e të ardhurave dhe shpenzimeve.

##### *ii. Aktivitetet financiare me kosto të amortizuar*

Këto aktive maten më pas me kosto të amortizuar duke përdorur metodën e interesit efektiv. Të ardhurat nga interesi njihen në të ardhura nga interesi sipas metodës së interesit efektiv, fitim humbjet nga kurset e këmbimit njihen në fitim humbje neto nga kurset e këmbimit, dhe humbjet nga zhvlerësimi njihen në humbje nga zhvlerësimi i instrumenteve financiare në pasqyrën e të ardhurave dhe shpenzimeve. Çdo fitim ose humbje në njohjen fillestare gjithashtu njihet në fitim humbje. Paraja dhe ekuivalentet e saj dhe të arkëtueshmet përfshihen në këtë kategori.

#### **Detyrimet financiare – Klasifikimi, matja e mëpasshme dhe fitim ose humbjet**

Detyrimet financiare klasifikohen dhe maten me kosto të amortizuar ose në VDFH. Një detyrim financiar klasifikohet si VDFH nëse ai klasifikohet si i mbajtur për tregtim, nëse ai është një derivativ ose nëse është i destinuar si i tillë në njohjen fillestare. Detyrimet financiare në VDFH maten me vlerën e drejtë dhe fitim humbjet neto, duke përfshirë edhe ndonjë interes, njihen në pasqyrën e të ardhurave dhe shpenzimeve. Detyrime të tjera financiare maten më pas me kosto të amortizuar duke përdorur metodën e interesit efektiv. Shpenzimet nga interesat dhe fitim ose humbjet nga kursi i këmbimit njihen në pasqyrën e të ardhurave dhe shpenzimeve. Çdo fitim ose humbje nga çregjistrimi njihet po ashtu në pasqyrën e të ardhurave ose shpenzimeve.

#### *Detyrimet financiare me VDFH*

Këto janë instrumente financiarë të mbajtur për tregtim.

#### *Detyrimet financiare me kosto të amortizuar*

Këto janë detyrimet me palë të treta dhe detyrime të tjera.

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

### **3. Politikat materiale kontabël (vazhdim)**

#### **c. Aktivet financiare dhe detyrimet financiare (vazhdim)**

##### **Matja e vlerës së drejtë**

‘Vlera e drejtë’ është çmimi që do të arkëtohej nga shitja e një aktivi ose që do të paguhej për të transferuar një detyrim në një transaksion të rregullt midis pjesëmarrësve të tregut, në datën e matjes në një treg kryesor ose, në mungesë të tij, në tregun më të favorshëm tek i cili Shoqëria ka qasje në atë datë.

Kur është e mundur, Shoqëria mat vlerën e drejtë të një instrumenti financiar duke përdorur çmimin e kuotuar në një treg aktiv për atë instrument. Një treg quhet “aktiv”, në qoftë se transaksionet për aktivin ose detyrimin ndodhin me frekuencë dhe vëllim të mjaftueshëm për të siguruar informacion mbi çmimet në vazhdimësi.

Nëse nuk disponohet një kuotim çmimi në një treg aktiv, atëherë Shoqëria përdor teknika vlerësimi që maksimizojnë përdorimin e të dhënave të vrojtueshme dhe minimizojnë përdorimin e të dhënave jo të vrojtueshme. Teknika e zgjedhur përmbledh të gjithë faktorët që pjesëmarrësit e tregut do të marrin në konsideratë për përcaktimin e çmimit të një transaksioni.

Shoqëria mat vlerën e drejtë duke përdorur hierarkinë e mëposhtme të vlerave të drejta që pasqyron rëndësinë e përdorimit të faktorëve në këto matje:

- Niveli 1: Faktorë që janë të kuotuar me çmime tregu (të parregulluar) në tregje aktive të instrumenteve identike
- Niveli 2: Faktorë të tjerë nga ato të kuotuar me çmime tregu sipas Nivelit 1, dhe që janë të vëzhgueshëm ose drejtpërdrejtë (nëpërmjet çmimeve) ose jo në mënyrë të drejtpërdrejtë (nëpërmjet çmimeve të përcaktuara).
- Niveli 3: Faktorë që janë të pavëzhgueshëm. Në këtë kategori përfshihen të gjithë instrumentet financiarë për të cilët teknikat e vlerësimit përfshijnë faktorë që nuk bazohen në të dhëna të vëzhgueshme dhe të cilët kanë një ndikim të rëndësishëm në vlerësimin e instrumentit.

##### **Instrumentet financiare jo me vlerë të drejtë**

Instrumentet financiare që nuk maten me VDFH përfshijnë:

- Paraja dhe ekuivalentet e saj dhe detyrime të tjera. Këto janë aktive financiare dhe detyrime financiare afatshkurtra, vlera kontabël e të cilave është afërsisht e njëjtë me vlerën e drejtë, për shkak të natyrës së tyre afatshkurtër si edhe cilësinë e lartë të kredisë së tyre.

##### **Matja e vlerës së amortizuar**

“Kostoja e amortizuar” e aktiveve financiare ose detyrimeve financiare është shuma në të cilën aktivi financiar ose detyrimi financiar matet në njohjen fillestare pasi janë zbritur ripagesat e principalit, ose amortizimi i akumuluar duke përdorur metodën e interesit efektiv për ndonjë diferencë midis vlerës fillestare dhe vlerës në maturim, dhe për aktivet financiare të rregulluar për ndonjë zhvlerësim.

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

### **3. Politikat materiale kontabël (vazhdim)**

#### **d. Zhvlerësimi i instrumenteve financiare**

Shoqëria njih një zhvlerësim për humbjet e pritshme të kredisë (“HPK”) për aktivet financiare të njohura me koston e amortizuar. Për të përcaktuar nëse rreziku i kredisë për një aktiv financiar është rritur në mënyrë të rëndësishme që prej njohjes fillestare të tij, dhe kur vlerëson HPK, Shoqëria merr parasysh informacionet mbështetëse dhe të arsyeshme dhe që janë relevant dhe të gatshme pa shume kosto dhe pune shtesë. Kjo përfshin analizim të informacionit cilësor dhe sasior, duke u bazuar në historikun dhe eksperiencën e Shoqërisë si edhe duke përfshirë informacione të cilat i përkasin të ardhmes. Shoqëria supozon se rreziku i kredisë të një aktivi financiar rritet në mënyrë të rëndësishme në rast se ai shfaqet më shumë se 30 ditë në vonesë.

Shoqëria konsideron si aktive financiare me rrezik të ulët në rastet kur rreziku i kredisë të kundërpartisë është i listuar si BBB+ nga agjenci të mirënjohura të vlerësimit si Standard and Poor’s, ose kur aktivet financiare lëshohen nga Qeveria Shqiptare ose nga Banka e Shqipërisë.

Shoqëria nuk ka identifikuar dhe njohur zhvlerësim për aktivet financiare më 31 dhjetor 2025.

#### **e. Ç’regjistrimi**

Një aktiv financiar ç’regjistrohet kur të drejtat kontraktuale mbi flukset e parasë nga aktivi financiar kanë mbaruar, ose kur Shoqëria transferon të drejtat për të marrë flukset e parasë në një transaksion në të cilin në mënyrë të qenësishme të gjitha rreziqet dhe përfitimet nga pronësia e aktivit financiar janë transferuar ose në të cilin Shoqëria as nuk ka transferuar dhe as nuk ka mbajtur të gjitha rreziqet dhe përfitimet nga pronësia dhe nuk ushtron kontroll mbi aktivin financiar.

Në njohje të një aktivi financiar, ndryshimi midis vlerës së mbartur të aktivit dhe vlerës së dhënë njihet në pasqyrën e fitim humbjes.

#### **f. Paraja dhe ekuivalentet e saj**

Paraja dhe ekuivalentet e saj përfshijnë mjete monetare në llogari rrjedhëse në banka dhe mjete të tjera likuide me maturitet jo më shumë se tre muaj nga data e mbajtjes të cilat mund të jenë subjekt i ndryshimeve jo të rëndësishme në vlerën e tregut dhe që përdoren nga Shoqëria në menaxhimin e angazhimeve afatshkurtra.

#### **g. Të ardhura dhe shpenzime nga interesi**

Të ardhura dhe shpenzime nga interesi të paraqitura në pasqyrën e të ardhurave dhe shpenzimeve përfshijnë interesin mbi aktivet financiare dhe detyrimet financiare të matur me kosto të amortizuar duke përdorur metodën e interesit efektiv.

Interesi efektiv llogaritet në njohjen fillestare të një instrumenti financiar si norma që skanton flukset e ardhshme të pagueshme ose të arkëtueshme përgjatë jetës së pritshme të instrumentit financiar në:

- vlerën bruto të aktivit financiar; ose
- vlerën me kosto të amortizuar të detyrimit financiar.

Në llogaritjen e të ardhurave dhe shpenzimeve nga interesi, metoda e interesit efektiv aplikohet mbi vlerën bruto të aktivit (në rast se aktivi nuk është i zhvlerësuar) ose mbi koston e amortizuar të detyrimit financiar.

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

### **3. Politikat materiale kontabël (vazhdim)**

#### **h. Aktive afatgjata materiale**

##### *i) Njohja dhe matja*

Zërat e aktiveve afatgjata materiale janë paraqitur me kosto minus zhvlerësimin e akumuluar dhe humbjet e akumuluar nga rënia në vlerë. Kosto përfshin shpenzime që janë drejtpërdrejtë të ngarkueshme për blerjen e aktivitetit. Kosto e aktiveve të ndërtuara nga vetë Shoqëria përfshin koston e materialeve dhe të fuqisë punëtore, si dhe ndonjë kosto tjetër që lidhet drejtpërdrejtë me vënien e aktivitetit në vendin dhe kushtet e nevojshme që ai të jetë i përdorshëm në mënyrën e synuar nga drejtimi. Blerja e software-ve që janë të lidhur ngushtë me funksionalitetet e pajisjes përkatëse janë kapitalizuar si një pjesë e kësaj pajisje. Kur pjesët e një elementi të aktiveve afatgjata materiale kanë jetëgjatësi të dobishme të ndryshme, ato kontabilizohen si elementë të veçantë (komponentët kryesorë) të aktiveve afatgjata materiale.

##### *ii) Kosto të mëtejshme*

Kostoja e zëvendësimit të një pjese të një elementi të aktiveve afatgjata materiale njihet në vlerën e mbartur të elementit nëse është e mundshme që përfitime ekonomike në të ardhmen që i atribuohen atij elementi do të rrjedhin në Shoqëri dhe kostoja e tij mund të matet me besueshmëri. Kostot e shërbimeve ditore të aktiveve afatgjata materiale njihen në pasqyrën përmbledhëse të të ardhurave në momentin kur ndodhin.

##### *iii) Zhvlerësimi*

Amortizimi njihet në pasqyrën përmbledhëse të të ardhurave me metodën lineare. Aktivitetet me qira zhvlerësohen për më të voglën mes periudhës së qirasë dhe jetëgjatësisë së dobishme.

Norma e amortizimit vjetor është si më poshtë:

Pajisje zyre	20%
Pajisje informatike	25%

#### **i. Aktive afatgjata jomateriale**

##### *Program kompjuterik*

Licencat për programet kompjuterike të blera kapitalizohen mbi bazën e shpenzimit të bërë për të blerë dhe vënë në përdorim. Markat dhe listat e klientëve të blera gjatë kombinimeve të bizneseve e që kualifikohen për t'u njohur më vete njihen si aktive afatgjata jomateriale me vlerë të drejtë. Norma vjetore e amortizimit duke u bazuar në jetën e dobishme të vlerësuar për programet kompjuterike është 25%.

#### **j. E drejta për të përdorur aktive afatgjata materiale**

##### *Qiratë e klasifikuara si qira operative bazuar në SNK 17*

E drejta për të përdorur aktivin janë njohur me:

- vlerën e tyre të mbetur sikur SNRF 16 të ishte aplikuar që nga data e fillimit, të skontuara me normën e brendshme të borxhit të Shoqërisë në datën e aplikimit për herë të parë: Shoqëria aplikoi këtë metodë për aktivet me vlerë më të madhe;

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

### **3. Politikat materiale kontabël (vazhdim)**

#### **j. E drejta për të përdorur aktive afatgjata materiale (vazhdim)**

Shoqëria përdori disa përjashtime praktike gjatë aplikimit të SNRF 16 tek qiratë të cilat më parë ishin klasifikuar si qira operative sipas SKN 17. Në veçanti Shoqëria përdor këto përjashtime si më poshtë:

- nuk njohu të drejtën për të përdorur aktivin dhe detyrimin për qiranë për ato qira të cilat kishin maturitet më të vogël se 12 muaj që nga data e aplikimit;
- nuk njohu të drejtën për të përdorur aktivin dhe detyrimin për qiranë për ato qira të cilat kishin vlerë të vogël (p.sh. ato kontrata me vlerë më të vogël se 5 mijë Euro ose ekuivalenti i tyre në Lek).

#### **Qiratë afatshkurtra dhe qiratë për aktive me vlerë të ulët**

Shoqëria ka përzgjedhur të mos njohë të drejtën e përdorimit të asetit për qiratë për të cilët aktivi bazë është me vlerë të ulët dhe qiratë afatshkurtra. Shoqëria i njeh shpenzimet e lidhura me këto qira si shpenzime në mënyrë lineare përgjatë kohëzgjatjes së qirasë.

#### **k. Kapitali i shoqërisë**

Kapitali i Shoqërisë përbëhet nga paratë e kontribuara nga themeluesit e Shoqërisë. Kapitali i Shoqërisë mbahet me vlerën ekuivalente në Lek të kontributit të marrë në monedhë të huaj duke përdorur kursin e këmbimit të datës së transaksionit. Kapitali i nënshkruar i Shoqërisë njihet me vlerën nominale të tij.

#### **l. Kostot e huamarrjes**

Shpenzimet e huamarrjes që janë të lidhura direkt me blerjen, ndërtimin apo prodhimin e një aktivi të kualifikuar, të cilët janë aktive që kërkojnë një periudhë kohe të konsiderueshme për tu bërë gati për qëllimin e përdorimit të tyre, i shtohen vlerës së këtyre aktiveve, për aq kohë sa nevojitet që këto aktive të jenë gati për përdorimin e parashikuar apo për tu shitur. Të gjitha kostot e tjera të huamarrjes njihen në të ardhura dhe shpenzime në periudhën kur ndodhin.

#### **m. Përfitimet e punonjësve**

Në rrjedhën normale të biznesit Shoqëria, kryen pagesa me emër të vet dhe në emër të punonjësve të saj për të kontribuar në sigurime shoqërore dhe shëndetësore të detyrueshme sipas legjislacionit lokal. Kostot e ndodhura nga ana e Shoqërisë janë ngarkuar në pasqyrën e të ardhurave në momentin kur ndodhin.

#### **n. Shpenzimet administrative**

Shpenzimet administrative njihen mbi bazën e kontabilitetit me të drejta të konstatuara kur ato ndodhin.

#### **o. Provigjonet**

Provigjonet njihen atëherë kur: Shoqëria ka një detyrim ligjor aktual ose konstruktiv si rezultat i ngjarjeve të kaluara; ka shumë mundësi që një reduktim burimesh do të jetë i nevojshëm për të shlyer detyrimin; dhe shumat mund të vlerësohet me besueshmëri.

#### **p. Transaksionet me palët e lidhura**

Transaksionet me palët e lidhura përfshijnë aksionaret dhe drejtorët e shoqërisë, së bashku me entitete që ato kontrollojnë, te cilët mund të ushtrojnë influencë të konsiderueshme në operacionet dhe menaxhimin e Shoqërisë. Duke konsideruar çdo palë të tretë të mundshme vëmendje i kushtohet thelbit të marrëdhënies dhe jo vetëm formës ligjore.

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

**3. Politikat materiale kontabël (vazhdim)**

**q. Tatimi mbi fitimin aktual dhe tatimi mbi fitimin i shtyrë**

Shpenzimet për tatimin mbi fitimin përfshijnë tatimin aktual dhe atë të shtyrë. Shpenzimet për tatimin mbi fitimin njihet në të ardhura dhe shpenzime përveç se kur ai i referohet zërave të njohura direkt në kapital ose në të ardhurat e tjera gjithëpërfshirëse. Tatimi aktual është tatimi i prituri i pagueshëm mbi fitimin e pagueshëm të vitit, duke përdorur normat tatimore të miratuara apo të miratuara në masë substanciale në datën e bilancit, dhe ndonjë rregullim të tatimit fitimit të pagueshëm lidhur me vitin e mëparshëm. Norma aktuale e tatimit mbi fitimin është 15% mbi fitimin e tatueshëm.

Tatimi i shtyrë njihet duke përdorur metodën e bilancit, duke krijuar provigjon për diferencat e përkohshme midis bazës tatimore dhe vlerave të mbetura të aktiveve dhe detyrimeve për qëllime të raportimit financiar. Tatimi i shtyrë matet me normat tatimore që priten të aplikohen ndaj diferencave të përkohshme kur ato rimerren, duke u bazuar në legjislacionin në fuqi apo që do të hyjë më vonë në fuqi përgjatë periudhës së rimarrjes.

Një aktiv tatimor i shtyrë njihet në masën që është e mundur që fitime të ardhshme të tatueshme do të jenë të vlefshme kundrejt të cilave diferencat e përkohshme mund të përdoren. Aktivet tatimore të shtyra reduktohen në masën që përfitimet tatimore në lidhje me to janë të mundshme të realizohen.

**r. Angazhime dhe detyrime të kushtëzuara**

Detyrimet e kushtëzuara nuk njihen në pasqyrat financiare. Ato pasqyrohen në shënimet shpjeguese përveç rasteve kur mundësia e konsumimit të burimeve që kanë përfitime ekonomike është e ulët. Aktivet e kushtëzuara nuk njihen në pasqyrat financiare por paraqiten në shënimet shpjeguese kur një hyrje e përfitimeve ekonomike është e mundur. Shuma e humbjes së kushtëzuar njihet si provigjon nëse është e mundur që ngjarje të ardhshme konfirmojnë provigjonin, një detyrim njihet në pasqyrën e pozicionit financiar kur një vlerësim i pranueshëm i humbjes mund të bëhet në mënyrë të besueshme.

**s. Ngjarjet pas datës së raportimit**

Ngjarjet pas datës së raportimit të cilat vënë në dispozicion informacion shtesë mbi pozicionin e Shoqërisë në datën e pasqyrave të pozicionit financiar (ngjarje rregulluese), reflektohen në pasqyrat financiare. Ngjarjet pas datës së bilancit të cilat nuk janë ngjarje rregulluese, paraqiten në shënimet shpjeguese kur janë materiale.

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

#### **4. Gjykimet kontabël dhe burimet kryesore të pasigurisë së vlerësimit**

Në aplikimin e politikave kontabël të shoqërisë të cilat paraqiten në shënimin 3, drejtimit i kërkohet që të bëjë gjykime, vlerësime dhe supozime për vlerën e mbartur të aktiveve dhe detyrimeve që nuk janë qartësisht të dukshme nga burime të tjera. Vlerësimet dhe supozimet e lidhura me to janë të bazuara në eksperiencën historike dhe faktorë të tjerë që konsiderohen të rëndësishëm. Rezultatet aktuale mund të ndryshojnë nga këto vlerësime.

Vlerësimet dhe supozimet rishikohen rregullisht. Rishikimet e vlerësimeve kontabël njihen në periudhën në të cilën vlerësimi rishikohet, nëse rishikimi ndikon vetëm në periudhën që rishikohet dhe në periudhat e ardhshme, nëse rishikimi ndikon në periudhën aktuale dhe në atë të ardhshme.

*Pasiguri në gjykim*

*Zhvlerësimi i aktiveve jo-financiare*

Një humbje nga zhvlerësimi njihet në masën që vlera kontabël e aktivitetit e tejkalon shumën e tij të rikuperueshme. Kur përcaktohet vlera e rikuperueshme, drejtimi vlerëson çmimet e pritshme dhe flukset monetare nga çdo njësi gjeneruese të mjeteve monetare dhe përcakton një normë të përshtatshme të interesit kur llogaritet vlera aktuale e këtyre flukseve.

*Jeta e dobishme e aktiveve të amortizueshme*

Drejtimi rishikon jetën e dobishme të aktiveve të amortizueshme në çdo datë të pasqyrës të pozicionit financiar. Drejtimi gjykon që jeta e përcaktuar e dobishme të aktiveve përfaqëson dobinë e pritshme të aktiveve. Vlerat e mbartura të këtyre aktiveve janë analizuar në shënimin 9. Megjithatë, rezultatet faktike mund të ndryshojnë për shkak të daljeve jashtë përdorimit nga ndryshimet teknologjike.

*Zhvlerësimi i aktiveve financiare*

Shoqëria rregullisht teston për zhvlerësim të arkëtueshmet e saj. Gjatë kryerjes së këtyre testeve shoqëria merr parasysh pagesat e rregullta të bëra, pra debitorin, pozicionin e tij financiar dhe operacionet, arkëtueshmërinë e pagesave nga instrumentet financiare dhe një numër kriteresh të tjera të përdorura për këtë vlerësim.

Zhvlerësimi i aktiveve financiare: në përcaktimin e inputeve të modelit HPK (humbjes së pritshme të kredisë) duke përfshirë informacione të ardhshme.

## ALBSIG INVEST SHA

### Shoqëria Administruese e Fondeve të Pensionit dhe e Sipërmarrjeve të Investimeve Kolektive

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

#### 5. Administrimi i rrezikut financiar

##### Kuadri për administrimin e rrezikut financiar

Shoqëria investon në instrumente financiare në përputhje me strategjinë e tij të investimit. Portofoli i investimit përfshin depozita dhe llogari rrjedhëse me Bankat e nivelit të dytë në Shqipëri. Kështu Shoqëria është e ekspozuar ndaj këtyre rreziqeve nga instrumentet financiare:

- rreziku i kredisë;
- rreziku i likuiditetit;
- rreziku i tregut; dhe
- rreziku operacional.

##### a. Rreziku i kredisë

Rreziku i kredisë është rreziku i humbjes financiare të Shoqërisë nëse një klient ose një palë tjetër e një instrumenti financiar nuk arrin të përmbushë detyrimet e tij kontraktuale, pjesërisht ose plotësisht gjë që sjell efekt negativ.

Politika e Shoqërisë mbi rrezikun e kredisë është minimizimi i ekspozimit të tij ndaj palëve të cilat janë të perceptuara si me rrezik të lartë, dhe të ketë marrëdhënie vetëm me palë të cilat përmbushin standardet e kredisë sipas politikës së investimit të Shoqërisë.

Rreziku i kredisë për investimet në depozita me afat me banka është vlerësuar si i ulët krahasuar me investime të tjera.

Aktivitet financiar detajohen si më poshtë:

	<u>31 dhjetor 2025</u>	<u>31 dhjetor 2024</u>
Paraja dhe ekuivalente të saj	6,832,598	2,841,525
Të arkëtueshme nga Fondet	2,635,287	1,771,685
Investime të mbajtura deri në maturim	30,000,000	30,000,000
<b>Totali</b>	<b><u>39,467,885</u></b>	<b><u>34,613,210</u></b>

##### b. Rreziku i likuiditetit

Rreziku i likuiditetit është rreziku që Shoqëria mund të mos jetë në gjendje të gjenerojë burime të mjaftueshme monetare për të shlyer plotësisht detyrimet e tij ose mund t'i shlyejë në kushte të cilat janë materialisht jo të favorshme.

Politika e Shoqërisë në menaxhimin e likuiditetit është të sigurojë, sa të jetë e mundur, se gjithmonë do të ketë likuiditet të mjaftueshëm për të përmbushur detyrimet kur është e nevojshme, nën kushte normale dhe tensioni, pa shkaktuar humbje të papranueshme ose duke rrezikuar dëmtimin e reputacionit të Shoqërisë.

**ALBSIG INVEST SHA****Shoqëria Administruese e Fondeve të Pensionit dhe e Sipërmarrjeve të Investimeve Kolektive**

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

**5. Administrimi i rrezikut financiar (vazhdim)****b. Rreziku i likuiditetit (vazhdim)**

Aktivitet dhe detyrimet financiare sipas maturitetit të tyre më 31 dhjetor 2025 janë si vijon:

<b>Aktivitet</b>	<b>31 dhjetor 2025</b>	<b>Më pak se 3 muaj</b>	<b>3-6 muaj</b>	<b>6-12 muaj</b>	<b>1-5 vjet</b>	<b>&gt;5 vjet</b>
Paraja dhe ekuivalente të saj	6,832,598	6,832,598	-	-	-	-
Të arkëtueshme nga Fondet	2,635,287	2,635,287	-	-	-	-
Të arkëtueshme të tjera	-	-	-	-	-	-
Investime të mbajtura deri ne maturim	30,000,000	-	-	-	30,000,000	-
<b>Total</b>	<b>39,467,885</b>	<b>9,467,885</b>	-	-	<b>30,000,000</b>	-
<b>Detyrime</b>						
Të pagueshme tregtare dhe të tjera	2,668,108	2,668,108	-	-	-	-
<b>Totali</b>	<b>2,668,108</b>	<b>2,668,108</b>	-	-	-	-
<b>Pozicioni neto</b>	<b>36,799,777</b>	<b>6,799,777</b>	-	-	<b>30,000,000</b>	-

Aktivitet dhe detyrimet financiare sipas maturitetit të tyre më 31 dhjetor 2024 janë si vijon:

<b>Aktivitet</b>	<b>31 dhjetor 2024</b>	<b>Më pak se 3 muaj</b>	<b>3-6 muaj</b>	<b>6-12 muaj</b>	<b>1-5 vjet</b>	<b>&gt;5 vjet</b>
Paraja dhe ekuivalente të saj	2,841,525	2,841,525	-	-	-	-
Të arkëtueshme nga Fondet	1,771,685	1,771,685	-	-	-	-
Të arkëtueshme të tjera	-	-	-	-	-	-
Investime të mbajtura deri ne maturim	30,000,000	-	-	-	-	30,000,000
<b>Total</b>	<b>34,613,210</b>	<b>4,613,210</b>	-	-	-	<b>30,000,000</b>
<b>Detyrime</b>						
Të pagueshme tregtare dhe të tjera	2,337,659	2,337,659	-	-	-	-
<b>Totali</b>	<b>2,337,659</b>	<b>2,337,659</b>	-	-	-	-
<b>Pozicioni neto</b>	<b>32,275,551</b>	<b>2,275,551</b>	-	-	-	<b>30,000,000</b>

**ALBSIG INVEST SHA****Shoqëri Administruese e Fondeve të Pensionit Privat dhe e Sipërmarrjeve të Investimeve Kolektive**

Shënime shpjeguese për pasqyrat financiare  
(Shumat në Lek, përveç nëse shprehet ndryshe)

**5. Administrimi i rrezikut financiar (vazhdim)****c. Rreziku i tregut**

Rreziku i tregut zhvillohet si pasojë e ndryshimeve në:

- a) normat e interesit,
- b) kurset e këmbimit.

Rritja e normave të interesit sjell ulje të vlerës së instrumentit financiar, dhe ulja e normave sjell rritje të vlerës së instrumentit financiar.

Luhatjet e kursit të këmbimit sjellin luhatje edhe të vlerës së aktiveve të konvertuar në monedhën vendase, Lek. Shoqëria nuk ka parashikuar të shpërndajë asete në valutë të huaj.

Aktivitet dhe detyrimet financiare sipas monedhës së tyre më 31 dhjetor 2025 janë si vijon:

<b>Aktivitet</b>	<b>Në Lek</b>	<b>Në EUR</b>	<b>Totali</b>
Paraja dhe ekuivalentë të saj	6,810,802	21,796	6,832,598
Të arkëtueshme nga Fondet	2,635,287	-	2,635,287
Investime të mbajtura deri në maturim	30,000,000	-	30,000,000
<b>Totali</b>	<b>39,446,089</b>	<b>21,796</b>	<b>39,467,885</b>
<b>Detyrime</b>			
Të pagueshme tregtare dhe të tjera	2,668,108	-	2,668,108
<b>Totali</b>	<b>2,668,108</b>	<b>-</b>	<b>2,668,108</b>
<b>Pozicioni neto</b>	<b>36,777,981</b>	<b>21,796</b>	<b>36,799,777</b>

Aktivitet dhe detyrimet financiare sipas monedhës së tyre më 31 dhjetor 2024 janë si vijon:

<b>Aktivitet</b>	<b>Në Lek</b>	<b>Në EUR</b>	<b>Totali</b>
Paraja dhe ekuivalentë të saj	2,805,582	35,943	2,841,525
Të arkëtueshme nga Fondet	1,771,685	-	1,771,685
Investime të mbajtura deri në maturim	30,000,000	-	30,000,000
<b>Totali</b>	<b>34,577,267</b>	<b>35,943</b>	<b>34,613,210</b>
<b>Detyrime</b>			
Të pagueshme tregtare dhe të tjera	2,337,659	-	2,337,659
<b>Totali</b>	<b>2,337,659</b>	<b>-</b>	<b>2,337,659</b>
<b>Pozicioni neto</b>	<b>32,239,608</b>	<b>35,943</b>	<b>32,275,551</b>

## ALBSIG INVEST SHA

### Shoqëria Administruese e Fondeve të Pensionit dhe e Sipërmarrjeve të Investimeve Kolektive

Shënimet shpjeguese të pasqyrave financiare  
(Shumat në Lek, përveç nëse shprehet ndryshe)

#### 5. Administrimi i rrezikut financiar (vazhdim)

Tabela e mëposhtme paraqet ndikimin mbi pozicionin neto në Lek si pasojë e ndryshimit në kurset e këmbimit me 5% për aktivet dhe detyrimet financiare në EUR:

Skenari	31 dhjetor 2025	31 dhjetor 2024
	Efekti në fitim/(humbje)	Efekti në fitim/(humbje)
+/- 5%	<b>1,090</b>	<b>1,797</b>

#### d. Rreziku operacional

‘Rreziku operacional’ është rreziku i pësimit të një humbjeje direkte ose jo-direkte që mund të lindë si pasojë e një sërë shkaqesh që shoqërojnë procese të tilla si teknologjia dhe infrastruktura që mbështet veprimtarinë e Shoqërisë me instrumentet financiare, qoftë së brendshmi në Shoqëri apo së jashtmi me ata që i ofrojnë shërbime Shoqërisë, dhe nga faktorë të jashtëm të tjerë nga rreziku i kredisë, i tregut apo i likuiditetit, të tillë si ato që lindin nga kërkesat ligjore dhe rregullatorë dhe standardet e gjithë pranuarat të sjelljes së investimeve. Qëllimi i Shoqërisë është të administrojë rrezikun operacional në mënyrë të tillë që të baraspeshojë kufizimet në humbje financiare dhe dëmtimit të reputacionit me arritjen e qëllimit të investimeve për të prodhuar kthim ndaj investitorëve.

#### e. Administrimi i kapitalit

Shoqëria është subjekt i kërkesave rregullatore për kapital sipas kërkesave të Autoritetit të Mbikëqyrjes Financiare (“AMF”), bazuar në Ligjin numër 56/2020 datë 30 prill 2020 “Për Sipërmarrjet e Investimeve Kolektive”) dhe rregullores nr. 3, datë 31.01.2024 “Për përcaktimin e kërkesave mbi mjaftueshmërinë e kapitalit, formën, llogaritjen dhe shumën e fondeve të veta që duhet të ketë shoqëria administruese e fondeve të pensionit privat”.

#### 6. Paraja dhe ekuivalentë të saj

Paraja dhe ekuivalentë të saj maten me koston e amortizuar në pasqyrat financiare dhe përbëhen si vijon:

	31 dhjetor 2025	31 dhjetor 2024
Llogari rrjedhëse në bankë	6,832,598	2,841,525
<b>Totali</b>	<b>6,832,598</b>	<b>2,841,525</b>

#### 7. Të arkëtueshme nga Fondet

Të arkëtueshme nga Fondet është shuma për t’u marrë nga Fondi i Investimit dhe Fondet e Pensionit më 31 dhjetor 2025 dhe përbëhen si vijon:

	31 dhjetor 2025	31 dhjetor 2024
Fondi i Pensionit Privat Albsig	2,248,237	1,472,481
Fondi i Investimit Albsig Standard	248,969	223,182
Fondi i Pensionit Privat Smart Pension	138,081	76,022
<b>Totali</b>	<b>2,635,287</b>	<b>1,771,685</b>

**ALBSIG INVEST SHA****Shoqëri Administruese e Fondeve të Pensionit Privat dhe e Sipërmarrjeve të Investimeve****Kolektive**

Shënime shpjeguese për pasqyrat financiare  
(Shumat në Lek, përveç nëse shprehet ndryshe)

**8. Shpenzime të parapaguara**

Shpenzimet e parapaguara më 31 dhjetor 2025 përbëhen nga shuma të parapaguara nga Primera si vijon:

	<u>31 dhjetor 2025</u>	<u>31 dhjetor 2024</u>
Parapagim Primera	1,253,163	673,660
<b>Totali</b>	<b><u>1,253,163</u></b>	<b><u>673,660</u></b>

Shpenzime të parapaguara përfaqëson parapagimin për Primera në 2025 prej 12,859.17 Euro (1,253,163 Lek). Në 2024 shuma prej 5,000 Euro dhe 1,920 USD (673,660 Lek) përfaqëson parapagimin ndaj Integrated Tech Solutions.

**9. Aktive afatgjata jomateriale**

	<b>Software</b>	<b>Totali</b>
<b>Kosto</b>		
<b>Gjendja më 31 dhjetor 2023</b>	<b><u>7,514,000</u></b>	<b><u>7,514,000</u></b>
Shtesa	720,090	720,090
Zhvlerësim/Rivlerësim	(33,040)	(33,040)
<b>Gjendja më 31 dhjetor 2024</b>	<b><u>8,201,050</u></b>	<b><u>8,201,050</u></b>
Shtesa	496,450	496,450
Zhvlerësim/Rivlerësim	(9,660)	(9,660)
<b>Gjendja më 31 dhjetor 2025</b>	<b><u>8,687,840</u></b>	<b><u>8,687,840</u></b>
<b>Amortizimi i akumuluar</b>		
<b>Gjendja më 31 dhjetor 2023</b>	<b><u>7,001,125</u></b>	<b><u>7,001,125</u></b>
Amortizimi për periudhën	637,079	637,079
<b>Gjendja më 31 dhjetor 2024</b>	<b><u>7,638,204</u></b>	<b><u>7,638,204</u></b>
Amortizimi për periudhën	314,948	314,948
<b>Gjendja më 31 dhjetor 2025</b>	<b><u>7,953,152</u></b>	<b><u>7,953,152</u></b>
<b>Vlera e mbetur neto</b>		
<b>Gjendja më 31 dhjetor 2024</b>	<b><u>562,846</u></b>	<b><u>562,846</u></b>
<b>Gjendja më 31 dhjetor 2025</b>	<b><u>734,688</u></b>	<b><u>734,688</u></b>

## ALBSIG INVEST SHA

### Shoqëri Administruese e Fondeve të Pensionit Privat dhe e Sipërmarrjeve të Investimeve Kolektive

Shënime shpjeguese për pasqyrat financiare  
(Shumat në Lek, përveç nëse shprehet ndryshe)

#### 10. Investime të mbajtura deri në maturim

Investimet e mbajtura deri në maturim më 31 dhjetor 2025 janë si vijon:

	<b>31 dhjetor 2025</b>	<b>31 dhjetor 2024</b>
Investime të mbajtura deri në maturim	30,000,000	30,000,000
<b>Totali</b>	<b>30,000,000</b>	<b>30,000,000</b>

Investime të mbajtura deri në maturim paraqesin obligacionet qeveritare të blera me maturim 10 vjeçar dhe janë për tu mbajtur deri në maturim.

#### 11. Të pagueshme tregtare dhe të tjera

Të pagueshme dhe detyrime të tjera janë si vijon:

	<b>31 dhjetor 2025</b>	<b>31 dhjetor 2024</b>
Paga të pagueshme	(4)	382,500
Kontribute të sigurimeve shoqërore	760,295	696,387
Taksa të pagueshme	67,499	134,999
Të tjera	1,840,318	1,123,773
<b>Totali</b>	<b>2,668,108</b>	<b>2,337,659</b>

#### 12. Kapitali

Albsig Invest Sh.a., është një shoqëri aksionare, e krijuar më tetor 2019, dhe e licencuar nga Autoriteti i Mbikëqyrjes Financiare (“AMF”) me vendimin numër 210, datë 22 nëntor 2019.

Kapitali i paguar i Shoqërisë më 31 dhjetor 2025 është 69,000,000 Lek (31 dhjetor 2024: 69,000,000 Lek). Aksionet e Shoqërisë zotërohen 100% nga aksionari i saj i vetëm Albsig Jetë sha.

	<b>Numri i aksioneve</b>	<b>Vlera</b>	<b>% totali</b>
Albsig Jetë Sh.a.	69,000	69,000,000	100%
<b>Totali</b>	<b>69,000</b>	<b>69,000,000</b>	<b>100%</b>

#### 13. Të ardhura nga tarifa e administrimit

Të ardhura nga tarifa e administrimit përbehet si më poshtë:

	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
Tarifa nga Fondi i Pensionit Privat Albsig	20,490,970	14,712,913
Tarifa nga Fondi i Investimit Albsig Standard	2,850,401	2,575,205
Tarifa nga Fondi i Pensionit Privat Smart Pension	1,408,780	573,265
Të ardhura nga tarifa e largimit nga fondet	3,702,870	2,371,569
<b>Totali</b>	<b>28,453,021</b>	<b>20,232,952</b>

**ALBSIG INVEST SHA****Shoqëri Administruese e Fondeve të Pensionit Privat dhe e Sipërmarrjeve të Investimeve Kolektive**

Shënime shpjeguese për pasqyrat financiare  
(Shumat në Lek, përveç nëse shprehet ndryshe)

**14. Të ardhura të tjera**

Të ardhurat e tjera përfaqësojnë të ardhurat nga shërbimet e konsulencës për palët e lidhura të shoqërisë.

	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
Të ardhura të tjera	-	3,200,002
<b>Totali</b>	<b>-</b>	<b>3,200,002</b>

Të ardhurat e tjera në shumën 3,200,002 Lek paraqesin të ardhura të realizuara gjatë vitit 2024 për shërbime konsulence ofruar Albsig Jetë sha.

**15. Shpenzime për personelin**

	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
Paga	17,540,283	17,174,225
Kontribute të sigurimeve shoqërore	1,463,947	1,550,310
Pension privat	7,042	510,650
Shpenzime të tjera personeli	270,000	270,000
<b>Totali</b>	<b>19,281,272</b>	<b>19,505,185</b>

**16. Shpenzime administrative**

Shpenzimet administrative janë si vijon:

	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
Shpenzime mirëmbajtjeje	1,883,488	1,446,216
Shpenzime për auditimin	444,000	536,976
Taksa bashkiake	74,500	74,500
AMF	437,955	299,358
Shpenzime për komunikim	123,340	126,658
Banka depozitare	1,509,315	1,065,448
Qira	-	360,000
Anëtarësime	8,800	8,800
Komisione agjenti	33,851	51,358
Shpenzime për veprime	11,015	63,707
Të tjera	584,508	197,000
<b>Totali</b>	<b>5,110,772</b>	<b>4,230,021</b>

Shpenzime të tjera gjatë vitit 2025 në vlerën prej 584,508 Lekë, ku vlerën më të madhe e zënë shpenzimet për AMF në vlerën 112,914 Lekë dhe pagesa për kuotën e anëtarësimit pranë Shoqatës së Sigurimit të Jetës, Pensioneve dhe Fondeve të Investimit në vlerën 115,000 Lekë. Gjatë vitit 2024 vlera prej 197,000 Lekë përfaqëson pagesën për kuotën e anëtarësimit pranë Shoqatës së Sigurimit të Jetës, Pensioneve dhe Fondeve të Investimit.

## ALBSIG INVEST SHA

### Shoqëri Administruese e Fondeve të Pensionit Privat dhe e Sipërmarrjeve të Investimeve Kolektive

Shënime shpjeguese për pasqyrat financiare  
(Shumat në Lek, përveç nëse shprehet ndryshe)

#### 17. Shpenzime financiare/(të ardhura), neto

Shpenzimet financiare/(të ardhura), neto janë si vijon:

	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
(Fitim)/humbje nga kurset e këmbimit	3,421	144,855
Komisione bankare	81,035	41,284
Të ardhura nga interesi	(1,614,000)	(1,614,037)
Shpenzime për interesa	-	6
<b>Totali</b>	<b>(1,529,542)</b>	<b>(1,427,892)</b>

Të ardhura nga interesi përfaqëson të ardhurën nga interesi i obligacionit 10 vjeçar.

#### 18. Tatimi mbi fitimin

Një rakordim i shpenzimit të tatim fitimit për vitin që mbaron më 31 dhjetor 2025 dhe 2024 paraqitet si më poshtë:

	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
Humbja përpara tatimit	5,275,571	488,561
Shpenzime të panjohura	-	-
<b>Humbja para tatimit</b>	<b>5,275,571</b>	<b>488,561</b>
<b>Tatimin mbi fitimin 15%</b>	<b>-</b>	<b>-</b>
<b>Humbja pas tatimit</b>	<b>5,275,571</b>	<b>488,561</b>

Në përputhje me legjislacionin tatimor shqiptar, norma e aplikueshme e tatimit për vitin 2025 është 15% (2024: 15%). Deklaratat tatimore janë plotësuar për çdo vit por fitim-humbjet e deklaruara për qëllime tatimore mbeten si parashikime derisa autoritetet tatimore kontrollojnë ato dhe regjistrimet e taksapaguesit dhe lëshohet një vlerësim final. Ligjet tatimore shqiptare janë subjekt interpretimi nga autoritet tatimore.

#### 19. Angazhime dhe kontigjenca

Në një vijë normale biznesi, shoqëria mund të përballë me pretendime ligjore të lidhura ose jo me veprimtarinë kryesore të biznesit. Administrimi i shoqërisë vlerëson se nuk ka humbje materiale në lidhje me pretendimet ligjore.

## ALBSIG INVEST SHA

### Shoqëri Administruese e Fondeve të Pensionit Privat dhe e Sipërmarrjeve të Investimeve Kolektive

Shënime shpjeguese për pasqyrat financiare  
(Shumat në Lek, përveç nëse shprehet ndryshe)

#### 20. Palët e lidhura

Palë e lidhur konsiderohet një person apo një entitet që ka kontroll apo kontroll të përbashkët mbi Shoqërinë, ka aftësinë të ushtrorë influencë të konsiderueshme mbi Shoqërinë në marrjen e vendimeve financiare dhe operacionale, është anëtar i personelit të drejtimit kyç të Shoqërisë apo të një Shoqërie mëmë të Shoqërisë, si dhe është pjesë e të njëjtit grup me Shoqërinë, është filial, investim në pjesëmarrje apo shoqëri mbi të cilën Shoqëria ushtron kontroll apo influencë të konsiderueshme. Gjithashtu konsiderohet palë e lidhur një shoqëri që ka një sipërmarrje të përbashkët me Shoqërinë apo dy entitete të cilat janë sipërmarrje të përbashkëta të një shoqërie të tretë. Një numër i caktuar transaksionesh me palë të lidhura janë ndërmarrë gjatë aktivitetit operacional të shoqërisë. Këto transaksione janë bërë sipas afateve dhe normave të tregut.

Volumi i këtyre transaksioneve dhe balancat në fund të periudhave respektive janë si vijojnë:

	<b>Për vitin e mbyllur më 31 dhjetor 2025</b>	<b>Për vitin e mbyllur më 31 dhjetor 2024</b>
Të arkëtueshme të tjera Albsig Jetë sha	-	-
Të ardhura të tjera Albsig Jetë sha	-	3,200,002
Të pagueshme për qiranë Albsig sha	-	-
Shpenzime qiraje Albsig sha	-	360,000

#### 21. Ngjarje mbas datës së raportimit

Nuk ka ngjarje pas datës së raportimit që mund të kërkojë rregullim apo pasqyrim të informacionit në pasqyrat financiare të Shoqërisë.